

perna gratia prævenit, et ita superna pietas prius agit aliquid in nobis sine nobis, ut subsequente quoque nostro libero arbitrio, bonum quod jam appetimus agat nobiscum. Ubi, sicut in Prospero notavimus, post prævenientem gratiam nihil censet fieri in nobis sine nobis. Cumque utrumque ex Paulo probasset, de eodem Paulo dicit: Qui dum se de se nihil esse consiperet, ait: Non ego; ut vero secum gratia operatum esse per liberum arbitrium demonstraret, adjungit: Sed gratia Dei mecum. Quod eleganter etiam prosequitur et declarat libro decimo nono Moralium, cap. decimo nono, alias vigesimo septimo, circa illa verba Job, vigesimo nono: Et ros morabitur in messione mea. In libro item decimo octavo, cap. vigesimo secundo, alias vigesimo quarto (qui locus etiam contra nos refert), eamdem solum repetit doctrinam, et potissimum impugnat errorem dicentium gratiam propter merita nostra dari, aut initium salutis esse ex libero arbitrio.

*Avila, c. 10.—Anselmus.*—Quarto loco allegatur Anselmus, quod in libro de Concordia, cap. 3, explicando verba Pauli: Non est volentis, neque currentis, sed Dei miserantis, loquens de conversione peccatoris in Deum, et impugnando eos qui totam efficaciam in sola libertate arbitrii ponebant, in hunc modum statuat: Totum imputandum est gratiae, quia neque volentis est quod vult, neque currentis quod currit, sed miserantis est Dei; omnibus enim, excepto solo Deo, dicitur: Quid habes quod non acceperisti? Deinde refert alia quae, interpositis quibusdam, apud Anselmum habentur, scilicet: Sicut ergo illam (id est rectitudinem voluntatis) nullus accepit nisi gratia præveniente, ita nullus eam servat nisi gratia subsequenti. Et post multa inferius: Cum legitur: Neque volentis, neque currentis, sed miserantis est Dei, non negatur in volente, neque in currente aliquid prodesse liberum arbitrium, sed significatur non esse imputandum libero arbitrio quod vult et quod currit, sed gratiae. Nam cum ait: Neque volentis, neque currentis est, subaudiendum est, quod vult et quod currit. Sed immerito omittuntur quaedam præcedentia, et alia interposita verba, quae et Anselmi mentem satis declarant, et nostram sententiam confirmant. Præmittit enim nulli dari prævenientem gratiam ex præcedenti merito, sed potius e converso quidquid post primam gratiam homo meretur, in illam esse referendum: Hæc omnia (inquit) sunt fructus primæ gratiae et gratia

pro gratia; et ideo totum imputandum est gratiae. Ecce quo sensu hoc dicatur, non quia libera determinatio non sit in suo genere tribuenda libero arbitrio. Quod paulo inferius post illa verba: Sicut nullus accipit rectitudinem nisi gratia præveniente, ita nullus servat nisi gratia subsequenti, declarat dicens: Nempe, quamvis illa servetur per liberum arbitrium, non est tamen tantum imputandum liberum arbitrio quantum gratiae, cum haec rectitudo servatur; quoniam illam liberum arbitrium non nisi per gratiam prævenientem et subsequentem habet et servat. Quæ verba prætermissa fuerunt, quia illæ particulæ, tantum et quantum satis explicant veritatem.

*Anselm., Ephes. 2.*—Adduntur præterea multa alia verba ejusdem Anselmi ex eodem libro de Concordia, quæ omnia solum eo tendunt, ut voluntas non possit recte velle prout oportet ad salutem, nisi per gratiam præveniatur, quæ det virtutem vel efficaciam recte volendi. Conclusio autem Anselmi hæc est: Deo igitur largiente, innenimus gratiam ad salvandum hominem cum libero arbitrio concordare; ita ut gratia sola possit hominem salvare, nihil ejus libero arbitrio agente: sicut fit in infantibus, et in non intelligentibus. Ipsa semper adjuvat liberum arbitrium naturale, quod sine illa nihil valet ad salutem, dando voluntati rectitudinem quam servat per liberum arbitrium. Ubi per rectitudinem videtur intelligere Anselmus bonam propensionem seu inclinationem ad supernaturale bonum additam voluntati, aut per infusum habitum, aut per aliquam prævenientem gratiam, et hanc tribuit soli Deo: illius vero rectitudinis usum, et omnem fructum, ad quem sine dubio spectat determinatio ad consensum, nunquam tribuit soli gratiae, sed innatae etiam libertati per gratiam adjutæ. Unde quotiescumque Anselmus aliquid attribuit soli gratiae, intelligit ratione prævenientis gratiae. In quo est notandus locus ejusdem Anselmi, circa illa verba ad Ephes. 2: Gratia estis salvati per fidem, et hoc non ex vobis: Hoc (inquit) non ex vobis, sed ex vocante Deo; quia ex auditu Evangelii accepitis fidem, Dei enim donum est ipsa fides, vel vocatio restra, et non partim, sed pure donum Dei, quia non ex operibus vestris, id est, non est hic admistio operum, ne quis glorietur. Ex quibus verbis arguens ita concludit: Ecce quam explicate et sine ullis ambagibus partalem concursum Dei et liberi evellit arbitrii, quem contrarie sententiae sautores constituant. Ubi docet Anselmus fidem seu vocationem non

partim, sed pure esse donum Dei, nec interesse permissionem operum. Verumtamen, si arguens intelligit Anselmum evellere partiale concursum liberi arbitrii a vocatione, recte dicit, quia nec vocatio in se libera est, nec propter liberam aliquam præcedentem dispositiōnem datur: quod Anselmus maxime intendit. Quo sensu intellectum (ut vere intelligi debet testimonium Anselmi) nihil ad præsentem causam refert, nam id nos maxime supponimus. Si autem mens arguentis sit, Anselmum tollere partiale concursum liberi arbitrii ab ipso consensu, vel determinatione consentiendi vocationi, valde errat, magnumque errorem Anselmo imponit a Concilio Tridentino damnatum contra Calvinum, ut supra visum est. Imo in eisdem verbis Anselmi, quæ idem auctor latissime refert, idem error damnatur, et contraria veritas pro regula stabilitur: Ita quippe intelligenda sunt (ait) dicta divina, ut hoc excepto quod dixi de infantibus, nec sola gratia, nec solum liberum arbitrium salutem hominis operetur. Quippe cum dicit Dominus: Sine me nihil potestis facere, non ait: Nihil valet vobis vestrum liberum arbitrium, sed nihil potest sine mea gratia. At profecto, si liberum arbitrium nec partiale concursum habet, nihil valet saltem ad efficiendum; nihil enim potest efficere etiam adjutum, quia posse efficiere, sine concursu saltem partiali, nec mente concipi potest. Itaque mirum est quod hæc et similia dicta Anselmi in favorem illius sententiae afferantur, et quod post longam eorum recitationem, magna confidentia concludatur tam esse perspicua ad retundendam nostram sententiam, ut nulla explicatione sed sola consideratione indigeant. Nam post diligentem, et diuturnam considerationem, nullum vestigium physicæ prædeterminationis in Anselmo invenio, sed potius e converso plures sententias in quibus, post vocationem et excitantem gratiam, nunquam disjungit influxum liberi arbitrii ab influxu gratiae, neque e converso, quod non stat cum determinatione physica, præsertim cum apud Anselmum in eodem libro de Concordia sit principium constans et verum, nullam suppositionem antecedentem determinare voluntatem ad unum, alioquin destrui libertatem.

Non est dissimile testimonium Bernardi in lib. de Gratia et liber. arbitrio, ex quo arguens integras tres transcritit columnas, in quibus nullum invenio verbum in quo modus ille efficacitatis gratiae insinuari videatur; sed sola necessitas prævenientis et cooperan-

Huic fundamento consentanea sunt cetera

quæ de concordia gratiæ cum libero arbitrio in toto discursu illius operis traditur, inter quæ sæpe ait liberum arbitrium per se sufficere ad volendum vel amandum, etc., non tamen ad bene volendum, vel amandum Deum sine gratia. Tamen hæc et similia illo uno verbo Bernardi declarantur, nam, cum dixisset salutis causam non in libero arbitrio, sed in sola Dei misericordia esse quærendam, proratione adjungit: *Cujus quippe (id est liberi arbitrii), conatus ad bonum et cassi sunt, si a gratia non adjuventur, et nulli, si non excitantur.* Non ergo excludit conatum liberi arbitrii ab ejus determinatione, quantumvis bona, sed ante illam dicit præcedere excitantem gratiam, et illam non fieri sine adjuvante; præter has vero nullam aliam gratiam requirit vel admittit; unde paulo inferius tractando illud 4 ad Cor. 3: *Coadjutores Dei sumus, sic inquit: Ibi Deus homini benigne merita constituit, ubi per ipsum, et cum ipso boni quidpiam operari dignanter instituit: hinc coadjutores Dei, etiam cooperatores Spiritus Sancti, promeritores regni nos esse presumimus, quod per consensum utique voluntarium dixinæ voluntati conjungimur, et subiungit: Quid igitur? Hoc totum liberi arbitrii opus, hoc solum ejus est meritum, quod consentit?* Est prorsus. Totus ergo consensus est opus liberi arbitrii; ergo et determinatio ad consensum; nam vel est ipsem et consensus, vel aliquid ejus, et maxime ad libertatem ejus pertinens, quia est effectio ejus. Dum autem dicit hoc totum esse opus liberi arbitrii, non excludit quin totum sit principalius a gratia. Et ideo subiungit: *Non quidem, quod rel ipse consensus, in quo totum meritum consistit, ab ipso sit, cum nec cogitare, quod minus est quam consentire, aliquid a nobis quasi ex nobis sufficientes simus;* et post multa concludit: *Cavendum ergo, cum hæc invisibiliter intra nos, ac nobiscum actitari sentimus, aut nostræ voluntati attribuamus, quæ infirma est; aut Dei necessitatí, quæ nulla est; sed soli gratiæ, quæ plenus est.* Ipsa liberum excitat arbitrium cum seminat cogitatum; sanat cum mutat affectum, roborat ut perducatur ad actum, serrat ne sentiat defectum. Sic autem ista cum libero arbitrio operatur, ut tantum illud in primo præveniat, in cæteris comitetur. Ad hoc utique præveniens, ut jam sibi deinceps cooperetur; ita tamen, quod a sola gratia cœptum est, pariter ab utroque perficitur, ut mixtim, non sigillatim, simul, non ricissim, per singulos profectus operentur, non partim gratia, partim liberum arbitrium, sed totum

Sexto refertur Ansbertus, quod in capite

ultimo Apocalyps. dicat: *Præveniente gratia salvamur et justificamur; ipsa enim præcedit hominem, ut ei quo pergere debet iter ostendatur; ipsa etiam subsequitur, ut ad id quod ostendit, etiam impellat.* Totaque vis hujus testimonii ponitur in illo verbo, impellat, quia importat (ait) manifestam efficaciam auxilii prævenientis; sed interrogo an importet talam efficaciam cui liberum arbitrium non possit resistere, vel talem ut resistere possit. Prior exaggeratio et est contra vim et proprietatem verbi; non enim omnis qui impellere dicitur, eo ipso dicitur vincere et superare omnem resistantiam, seu potestatem resistendi; et est contra sanam doctrinam ac definitiones Conciliorum; et ideo sine causa imponeretur talis sensus illi auctori. Si autem sensus est de efficacia, qua non obstante, liberum arbitrium potest resistere, etiam ex suppositione illius, nemo est qui hanc efficientiam neget prævenienti gratiæ; tamen eo ipso talis non est ut physice prædeterminet voluntatem ad unum, quia si talis esset, non posset voluntas ei resistere; imo si impulsus ille gratiae prævenientis talis est, ut ei possit voluntas resistere, profecto quatenus talis est, id est, quatenus antecedenter impellit, nondum physice efficit actum illum ad quem impellit, sed solum præbet ipsum formalem impulsum, qui in aliqua inspiratione, affectu, aut pio desiderio vel timore consistit.

*Cabrera, 3 p., quæst. 13, disp. 2, § 4, n. 4.* — Ultimo alias arguens profert Abulensem, in capit. decimo nono Matth., quæstionem centesima septuagesima quarta, ubi (ait ille), sequens doctrinam Aristotelis et omnium philosophorum, inquit Deum non solum influere in effectum, sed etiam in causam, præmovendo et determinando liberum arbitrium, tametsi servata illius libertate. Verum tamen nulla talia verba in illa quæstione Abulensis inveniuntur, et sunt alia multa in quibus nostram expresse docet sententiam. Nam in quæstione 174, vers. Quod autem dicunt, imprimis habet hæc verba: *Libertas arbitrii est quod possit se determinare ad quocumque genus operis, et ad quocumque modum.* Addit vero secundo non posse facere opus meritorium sine gratia, quæ est habitus facultatem naturæ excedens. Hoc vero declarans subiungit tertio: *Potest tamen liberum arbitrium ex seipso velle facere opus meritorium; quia sicut est in potestate ejus determinare se ad genera actuum et objectorum, ita potest se determinare ad modum actus, non*

## CAPUT XL.

QUID IN HAC CONTROVERSIA D. THOMAS DOCUERIT  
AUT SENSERIT.

Qui divo Thomæ attribuunt sententiam de gratia efficaci de se prædeterminante physice voluntatem, nulla proferunt formalia verba per quæ divus Thomas id docuerit, sed interdum id colligunt ex generalibus principiis male applicatis, vel ex aliis verbis suo iudicio æquivalentibus, cum revera talia non sint, sed possunt commode aliter exponi, imo et debent necessario, vel inspecta materia de